

ኦይትምሰባብ ጳውሎስታ ክታ ቆለሰያሰ ኤድንከሰካንታ ኦርድንታ

ኮና ክቴና ጳፍምሳንዳ መራ እሰያ ፍጨናር ዶቅድን ኤፈሶን ካተመንታ **ዐይንታ** ዉትንታኅካ **ዐፈርድን** ቆለሰያሰ ካተመናር ምክሰ ኤሄንካንቲ፥ ናኮና ምክሰ ኤሄና ኮት ዎድምሳንዳ ጳውሎስካ ማታክንዳ ማቕንከረ ሮማ ፍጨንታ ባንቕንታ ጎያር ቆልምድንዳ እሰያ ፍጨንታ ካተማ ማቕንደት ኤፈሶናርንካ ክላ ኬዘንም ኬዘድባብከሰም ኦይተር **ዐቃንካንታ** ቆለሰያሰ ካተመነረ ኮም ቦድንግንዳ እምምሳን ፍክሰ **ዐቄ፥** ቆላሰያሰ ካተመናር ምክሰ ኤሄንካንታ “ሳብም ኤስካንተኬ ቦድማ እቅንተንም **ዐፍካንታ** ዋልቃ ዋልቃ ኤድና እያናር ቆልድባብከሰካንተኬ ገቕታ ኤራ ዶቅድባብከሰካንታ ጎሰት ዝግዘዴ” ጋይድባብ ካርካ ኤስሰንባብከሰ ከት ዶቅድንደትም ጳውሎስ ኤስርታ **ዐቄ፥** ከታኬና ካርካ ኤስሰንባብከሰ ከት ጋይድንዳ ኦብ ሪና “ዋልቃ ዋልቃ ኤድንከሰ ሶለንም ተቕርታ ዶቅድን ዎገንከሰካንታ ቆልም፥ እቕምተኬ ኦብንከሰተረ መጠንከሰም ካርሰ ዝግዘዴ” ጋይድንዳ **ዐቄ፥**

ጳውሎስ ኮም ክተንም ክት ጳፍሳንዳ ዶፈን ማቕን ክርሰቶሳር ማትንተታ ክቴን ኬዘር ኬታ ካርካ ኤስሰን ዎይሰካንቲ፥ ክት ኬዘዐቃን ማሰንከሳርንካ እፍ ማድንዳ “የሱስ ክርሰቶሰ ቦድማ እቅንተንም እምዴ፥ ከታኬና ኦብ እሚንንከሰኬ ፍክሰንከሰ ማቼ ክታዘንካ ጎተርዝደኬ” ጋይድንዴ፥ ሳብ ክርሰቶሰካ ፍጫ ሙደንም ፍዜ፥ ክትንከረ ይንደር ማሰሶ ተይዐዴ፥ ፍጫሙደንታ እቅንተታ **ዐድን** ጉርም ዶቅተርንዳ ክርሰቶሰም ቡዳርንካ እሚንካ **ዐክዬ፥** ኮግንደካ ጳውሎስ ኮና እንድር ኤስሰና እሚንድባብከሰታ ዶቅንተናር **ዐስግንዳ** ፍክሰዘን **ዐቅስ** ዝግዘዳናንከረ ኬዘዴ፡፡

ኮም ክቴን ጳውሎስዘንካ ተይሶ ቆላሰያሰ ካተመናር የልሰካንታ ኦይትምሰባብ ትክቆሰካ ክክን የካ **ዐቅባብ** እናሰምስ **ዐቃንደትም** የ ሰደሰናና መይድንዴ፥ ጳውሎስ ኮካንታ ኦነሰምስ ጋይምሰባብ ኦይለንታ እምሰሶ ፍልሞናካንታ ኦብ ክቴን ጳፍቲ፡፡
ማጳፍን ኮትኮታ ሙዳ የድንተና

እርድንታ (1:1-8)
 ክርስቶስታ እዘንኬ ፍክሰንካ (1:9—2:19)
 ክርስቶሳር ክላ ዶቅንት (2:20—4:6)
 በእንታ (4:7-18)

1 ሳብታ ጋይተካ የሱስ ክርስቶስታ ኦይትምሰባብ ጳውሎስዘንከ ዋንታ እሰመን ጢማቶስዘንካ፤

2 ቆላስያሳር ዶቅድባብከሰ ክርስቶሳር ፋሰምሰባብከሰኬ እሚንምሰባብ እሰመንከሰ፤ ሳብ ዋንታ ባቤንዘንካ ዉቕ እምንተንኬ ሳራትቼንካ የካንታ ማታጋካ።

ጳውሎስ ቆላስያስ ኤድንከሰንካ ሳብም ጋለትንኬ ምክሰንካ

3 የካንታ ዋ ምግዝድንደትካ ዋንታ ባቤን የሱስ ክርስቶስታ ባቤን ሳብም ሙዳዐይካ ዋታ ጋለዶቴ።

4 ዐራካንታ ጋይሴ የሱስ ክርስቶሳር የንታ ዶቅድን እሚንንከኬ እሚንድባብከሰንካ ሙዳ የንታ ዶቅድን ሶልመንም ኤስርቶቴ።

5 ዶፈንንታ ቃላ ማቻንዳ ክላ ኬዘና እሪናና የንደር የልሳንደትካ ክትካ ዶቅድንደትም ዐድን ጉርምንም ኤስርተቴ፤ ኮካንታ የንታ እሚንንከኬ ሶልመና የድምሳንዳ ጭላር ግግምሶ የም ካርዝድን ኮትኮ ዐድን ጉርምንዘኔ።

6 የታ ክላ ኬዘን የ ኤስርሳንደትዘንኬ ሳብተረ ዉቕ እምንተንታ ዶፈንን ቡደካ የ ኤሳን ሰጨንዘንካ የድሶ ኮና ክላ ኬዘና የንታ ዋክያር ማቻንግንዳ ፍጫሙደንዘን እፍይ ኡስዘንኬ ጋጵዘን ዶቅዴ።

7 ኮመረ ዋንታ ካርያር ክርስቶስታ እሚንምሰን ፍክሰንባብ ማቕባብኬ ዋንከረ ክክን የካ ፍግዝድባብ ሶልምምሰባብ ኤጳፍራ የካንታ ኤሰንም ኤሰሰቴ።

8 ኮግንደረ ኖ ሳብታ እያንካ ክክ ክክ የንታ ሶልመንም ዋካንታ ኬዘቴ።

9 ኮካንታ ኮም ዋ ኤስርሳንደትዘንካ የድሶ የታ እያናር ዶቅድን ኤጨኬ ገቅርካ ሙዳ ሳብታ ጋይተንም ገቅርት የ ተይድን ጮጭ ኤስ የካንታ ዶቅተርንግንዳ የካንታ ምክሰንምኬ ሳብም ኦይሰን ዋይሳኮቴ።

10 ኮትኮግንደረ ጮይስካንታ ዝግዝድንግካ ደቅንትካ ክትም ቦድመካ የ ጉርምስተርንግንዳ ዐምንመረ ኡርማ ፍክሰን ፍክሰካ እፍይ የ ኡስተርንግንደኬ ሳብም ኤስንተካ የ ጋጵተርንግንዳ ምግዝድቲ።

11 ጮይስ ይንታ ኤስምሳን ዋልቀንካ ይንታ ደቅንተንም ሙዳ የካንታ እማ፡ ዳንዳእነከረ ሙዳ ሪን ጋምካንታ ጉርምካ ግግምስባብ የ ማታባብ የም ማሳ

12 ጉጅሰረ ሳክማ ባንቕምናር ጭልንባብከሰካ ክክን ባእንም ካስምተርንግንዳ የም ማስሰባብ ሳብ ባቤንም ጉርምካ ጋለትከቲ።

13 ኖ ኡምንታ ዋልቀንዘንካ እቅሰሶ ሶልምምሳን ይንታ ይንቺንታ ባንቕምናር ዋ እርድንግንዳ ይሴ።

14 ክትካ ቆት ተይምሶቶ ዋንታ ሳመንታ ነገትቼን ዐፍቶቲ።

ክርስቶስ ሙደንዘንካ ሰግ ማትና

15 ክርስቶስ ዐፈርዳክን ሳብታ ዶፈን ካምሰዬ። ኖ ፍዝር ሙደንዘንካ እንድርከኬ ጨክን ጋይሰባብ ዳነዜ።

16 ጭለዘንኬ ፍጨዘን ደቅድባብ፡ ሰድምድባብኬ ሰድምዳክባብ፡ ጭለዘን ዋልቀንከሰኬ ቆልድባብከሰ፡ ገቕንባብከሰኬ ገቕታ ኤረንባብከሰ ሙደና ፍዝምሳንዳ ክትኬ። ሳብ ሙዳ ሪን ክርስቶስካ ፍዝሶ ክትካንታ ማሰሴ።

17 ኖ ሙዳ ሪዘንካ እሪናና ደቅዴ፡ ሙዳ ሪነረ የድምሶ ዋእሳንዳ ክትኬ።

18 ኖየረ ክታ ዘና ማቻን ምክሰ ኤሄንታ ዱሬ፡ ሙዳ ሪካ እሪ ማድንግንዳ ደእያርንካ እምንተከረ እርንባብኬ እነረ ዳነዜ።

19 ኮነረ ማቻንዳ ሳብታ ጮጭ ገቅርና ክታ ይንቺንካ ደቅተርንግንዳ ሳብ ባቤንታ ጋይታ ማቻንኦሌ።

20 ክትንከረ ጭለዘነረ ማታ ፍጨዘን ደቅድን ሪንከሰም ሙዳ ይንካ ክክን ኤድምሴ፡ ማዘቀልንዘን ዉልእምሳን ይንታ ይንቺንታ ማቀሰንከረ ሳራትቼን እምሴ።

21 ኤና ሳብዘንካ ጎተርሰቶ ደቅድዐቀቲ፡ የንታ ገቅርንኬ የንታ ዳቅል ፍክሰንጎካ ክትካ ይምኤርሰባብ ዐቀቲ።

22 ታ ማቼ ሳብካንታ ፋሰምሰባብኬ ይልቕን ጋይሰባብ፡ ይንኤርዝድ ሪየረ የንዘን ካየንባብከሰ ማሰሶ ይንታ እሪ የልሰካንታ፡ ክታ ይንቺና ዋሄካ ክት ደእሳንጎካ ሳብ ይንካ ክክን የም ኤድምሴ።

23 ኮነረ ማድንዳ የንታ የድንዘን የድምሳንደትኬ ሶግዳክባብ ማትሶ ክላ ኬዘንካ ዐፈርሳን ዐድን ጉርምንካ ዙብማከትዶቆ አሜንካ ዳቅሰቶ የ ዶቅድንካ ዐክዬ፥ ኮና ክላ ኬዘነረ የ ኤስርሳንደትኬ ፍጫሙደንዘን ዶቅድን ኤድንከሰካንታ ሙዳ ሳባክምሳንዴ፥ እታ ጳውሎስረ ፍክሰንባብ እ ማቻንዳ ኮትኮ ክላ ኬዘንካንቲ።

ጳውሎስ ኦይትምሰባብ ማትሶ ፍክሰና

24 ታ የካንታ እ ተይድን ማጠንካ እም ጉርምዝዴ፥ ክርሰቶስታ ዘና ማቻን ምክሰ ኤሄናሪ ኤድንከሰካንከረ ክርሰቶስ ማጥርምሳንደትም ካሰምና እዘንካ ዘገርሳን እሰታ ዋሄንካ ጮችዘድቲ።

25 ሳብታ ቃለን የካንታ ሙደንም እ መያ ማዘድንግንዳ ሳብዘንካ እካንታ ዋደካ እምምሳን ፍክሰንባብግንዳ ምክሰ ኤሄናር ኤድንከሰካንታ ፍክሰባብ ማቻቲ።

26 ኮነረ ሳብታ ቃለና ሰግዳን ሰለንከሳር ኤድ ይንቸንኬዘንካ አጥምሶ ዐቃንደትኬ ታ ማቼ ሳብ አሜንድባብከሰካንታ ሙዳ ክት መያ ማሰሳንዳ አቸምሳንደትሜ።

27 ሳበረ ፋሰምሰባብከሰካንታ መያማሰካንታ ክት ጋይሳንዳ ዶቅድንደትም ኮ አቸምሳን ቦንቼታ ቆልመንኬ የ አይሁድ ማታክባብከሰታ ዋክያር ዐፈከካ ክታ አንድር ማትንተኔ። ኮነረ አቸምሳን ዐድን ጉርምካ ዋ ካርዘድንዳ ቦንቻ ዐፈርድንዳ ክርሰቶስ የንታ ዋክያር ማትንተኔ።

28 ዋልቃ ዋልቃ ኤድ ክርሰቶሰካ ማድን ኤድ ማድንግንዳ ይይሶቶ ግግሰካንታ ኤድ ሙደን ኤጨንም ሙዳ ኤሰሰኬ ዞረካ ክርሰቶሰካ ሳባክዶቲ።

29 ሳብ ይንታ አንድር ዋልቀንካ እሰታ ዋሪ ክት ፍግዘድንኦል ኮትኮ ዋልቀንካ ኮና ገቅርና ቦድምድንግንዳ ዛብሰቶ ጉረርቶ ጋብድቲ።

2

1 የካንተኬ ሎዶቅያ ፍጨናር ዶቅድን ኤድንከሰካንታ ኮትኮግንደረ እሰታ ባለንም ዋሪ ሰድሰኮ ኤዘዳክን ኤድን ሙደንካንታ ዐፈከካ ዛብሶ እ ጉርዳናንከረ የ ኤዘድንግንዳ ሶልምድቲ።

2 እ ጉርድንደረ ኬታ ቡደና ዳቅሰንደትኬ ሶልመካ ዘክምሶ፡ ቦድማ ገቀርት ተይንም ሙዳ በቸካ ሳብታ አቸምሳን ማቸባብ ክርስቶስም ከት ኤዘድንግንዳ።

3 ኤጨተኬ ኤሰታ ቆልማ አቸምሶ ዐፈርድንዳ ክርስቶስደርንኬ።

4 ኮመረ እ የም ጋይድንዳ ዐየነረ ገሰ ቃለካ የም ገሰሳይንደትግንዳ ጋይሰቴ፤

5 ዋሄካ የንዘንካ እ ጎተርሰረ እያንካ የንካ ክክንቴ፤ ኤርማ ዋገካ የንታ ዶቅንተንምኬ ክርስቶስዘን የንታ ዶቅድን ዳቅማ አሜንን እታ ሰደርቶ ጉርምድቴ።

ክርስቶሳር ዐፈርድንዳ ጮጭ ዶቅንት

6 ጮይሰ የሱሰ ክርስቶስም የ አሜንሳንደትግንዳ ክትካ ዶእከቴ፤

7 ክትካ የድምሳን የድንዘን ኤሀግንዳ ዎድምሰቶ የም ኤሰሳንግንዳ የንታ አሜንካ ዳቅሰቶ ዶእከቴ፤ ጮጭሶ ሰጥንደትም ጋለትን እምከቴ።

8 ክርስቶስዘን የድምሳንዳ ማታክናና ኤድ ፍክሳን ዋገኬ ፍጫሙደንዘን ፋይዳር አርዳክን ዋገንዘን የድምሳንዳ ይንዘንካ ወቸሰኮ ወቸ ገሰካ ዐየነረ ይንተናሪ የዳክንግንዳ ካርሰምከቴ።

9 ጮይሰትቼንታ ቦድማ ጮጭንተና መያ ማትሶ ዶቅድንዳ ኤዳትቼና ክርስቶስኬ።

10 የተረ ሙዳ ዶቅንትን የ ዐፍሳንደና ክታ ፍዛ ሙደንዘን ቆልድንደተኬ ገቸታ ኤራ ሙደንታ ዱራ ማቸባብ ክርስቶስኬ።

11 ክትከረ የንታ አሜንምንካ የንታ ሶለንም ተቼርተቴ፤ ኮነረ የንታ ሶለንም ተቸርና ጎመክን ዋሄንታ ይተንም የንዘንካ ዐፈእስካንታ ክርስቶስካ ይምሳንዳ ዳት ኤታ እንካ ይምሳንዳ ካዬ።

12 የ አሜንድባብከሰታ ሰእርን ሰኤርሳንደትካ ክርስቶስካ ክክን ዱከርሰቴ፤ ክትከረ ክክን ደእያርንካ አምተቴ፤ ደእናርንካ የ አምሳንደረ ክርስቶስም ደእያርንካ አምሳን ሳብታ ዎልቀንካ የንታ አሜንምንኬ።

13 ጎማ የንታ ፍክሰንተኬ የንታ ጎማ ዋሄን ክርስቶስካ አሜንምካ ሶለንም ተቼርክሳ ነግንተካ ደእሰባብ ዐቀቴ፤ ታ ማቼ ሳብ ክርስቶስካ ክክን ሰለንካ የ ዶቃባብ ማሰቴ፤ የንታ ጎመንመረ ሙዳ ነጋ የካንታ ጋይቴ።

14 ኖ ኤና ኮትኮ ዎም ካሰሰሮ ግረሮ ሀገር ሀገርና ክትምሶ ደቅድንደትም ባዘታ ጸፍምሳንደትም ሀልእሴ፥ ማዘቀልንታዘን ምስማርካ እከርሶ ዋንዘንካ ሀልእሴ።

15 ዋልቀንከሰምኬ ገችታ ኤረንከሰም ይንታ ማዘቀልንካ ጋምሶ ከታ ሶቅርንም ቡልሳንደታ ቡሪ ዎእስት ተይምሰባብ ማትሶ መያ ከት ሀረርድንግንዳ ከትም ማሰሴ።

16 ይና እችምካ ናነረ ዎጭምካ ባዓልንከሰም ናንከረ አርፍንካ ቦንቹርድንደትም ናንከረ ዋገንም ቦንቹርድንደትካ ሀየነረ የንዘን ሀይፋረዳ።

17 ኬና ሙዳ ኦስ እሪ ሀድን ሪንከሰካንታ ሰፍግንደኬ፥ ደፈንና ሀረርድንዳ ማቼ ክርሰቶሰኬ።

18 እንድንካ ይንታ ማተንም ይርክሳ ይይንተካ ክታይንችም ጎይንካ ጩቅድባብ ሀየሰነረ ኤድ ናክካይሳ የም ነግዘዳክንግንዳ ካርሰምከቲ፥ ኮግንዳ ኤድና ለምለም ጋይድንካ ይ ሰዳን ሪንካ ይንታ ማተን ጩቀሮ ዉች ኩንኬ ዋሄታ ማቻን ገቅርካ ኦተርደኬ።

19 ኮግንዳ ኤድና ሪ ሙደንታ ዱራ ማችባብ ክርሰቶሰካ ክክን ክትም ሀረነረ የልሰዘድር ካዬ፥ ዘንም ሙዳ ክክ ሰግድንደትኬ ዝንካ የችሶ እችዘድባብ ሪ ሙደንታ ዱረኔ። ሳብ ዘና ሙደንታ ጋጽንተን ክት እምድንደረ ኮግንደኬ።

ኮተርሳን ኤሰሰንዘንካ ካርሰም

20 ክርሰቶሰካ ክክን ደእስቶ ኮ ፍጫሙደንታ ዝግዘድን ዋገንከዘንካ ቦድሰቶ ፋሰምሰባብከሰ የ ማቻንዳ ማቼ ታ ፍጫሙደንዘንካ ፋሰማክባብግንዳ ማትሰቶ ሀረካንተት ኮግንዳ ደቅድን ክተንከሰካንታ ቆልምዳ፥

21 ክታ ክተንከሰረ “ሀይየዴ፥ ሀይአፍሴ፥ ሀይዎሌ” ጋይምድባብከሰኬ።

22 ከናከሰ ሙዳ ኤታ እንታ ፍክሰታ ክቲኬ ኤሰሰታዘን የድምሰባብከሰ ከት ማቻንኦል ፍክሰዘን ከታ ይ ሀቃንደታ ቡር ካይንታካንታ ጋይምሰባብከሰኬ።

23 ከታኬና ክተንከሰ ገታ ኤታዘንካ ዉተዳንዳ ጎይንኬ ዝግዘዳክን ማተም ይርክሳ ይይንተኬ ዘነመረ ላቅሰሰዘን ማለካ ኬታ ይ ሰድንኦል ኤጫ ኬታ ደቅድባብከሰም ካምድባብ ማተረኬ፥ ኬዛርንካ ማቼ ዋሄታ እግርን ገችሰካ ሪካንታ ማዳክባብከሰኬ።

3

ክርስቶሳር ዐፈርድን ክላ ደቅንት

¹ ይና ክርስቶስካ ክክን ደእያርንካ የ ኦምሳንካ ክርስቶስ ሳብታ ምዝዘን ደቅሶ ደቅድን ፈ ጭላር ደቅድን ርንከሰም ዝከቲ።

² ሙዳዐይካ ፈ ጭላር ደቅድን ርንከሰካንታ ገቀርከት ዳት ፍጨዘን ደቅድን ርንከሰካንታ ዐይገቀረቲ።

³ የታ ደአተቲ፣ የንታ ሰንፔነረ ክርስቶስካ ክክን ሳብታ ዋሪ አቕምቲ።

⁴ የንታ ሰንፓ ማቕባብ ክርስቶስ መያማድንዐይካ የተረ ክትካ ክክን ቦንቹካ መያማደቲ።

ጌሰኬ ክላ ደቅንት

⁵ ኮካንታ የንዘን ዐፈርድን ፍጨዘን ደቅንትታ አግርን ሙዳ ደይሰከቲ፣ ከተረ በልም፣ ቱና፣ ቤልምካንታ እንግር፣ ዳቅል እንግር፣ ጭጭ ና ኮነረ ሳብዘንካ እብን ጎይንከሰኬ።

⁶ ከትኬና ርንከሰካ ክትምዳክን ኤድንከዘን ሳብታ ዋጭና ዐተፊ።

⁷ የተረ የንታ ማታርንካ ኮታ ኤና እሪ ክትምዳክን ኤድንከሰታ ዋክያር ደቅደቶ ከትግንዳ ደቅድ ዐቀቲ።

⁸ ታ ማቹ ዋጭም፣ ሰነርንም፣ ጨበም፣ ኤታ ላም ካይሰንም የንታ ዋክያርንካ ዋይሰከቲ፣ ኦሰንዘድን ኬዘረ የንታ አፋርንካ ዐይጫታ።

⁹ ኤና እሪ የንታ መጤንም ፍክሰንካ የካ ዉቕተቶ የ ዛቅሳንኦል ክክ ክክ የታ ማልትንም ዐይኬዘቲ።

¹⁰ ፍዝባብታ ካምሰካ ክልምሳን ኤሰንካ ኦክምሳን ክላ ኤደትቹን ቆበርከቲ

¹¹ ኮግንደካ ግርክ ኤድንተኬ አይሁድ ኤድንታ፣ ሶለን ተቸርሰባብተኬ ተቼራክንባብታ፣ ኤሳ ክታ ደቅድንካ ሳብም ኤዘዳክንባብተኬ ኤሳ ክታ ካየንባብ ሳብም ኤዘዳክንባብተኬ፣ አይለተኬ ቦንቹምሰባብተካ ዋክያር ፋሰም ካዬ፣ ክርስቶስ ሙደንቲ፣ ጉጅሰረ ሙደናፊ።

¹² ይና ሳብታ እድምሰባብኬ ሳብካንታ ፋሰምሰባብ፣ ሶልምምሰባብከሰረ የ ማቻንካ አጭርን፣ ዐልሰምን፣ ማታ ቆልን፣ ኤድካንታ ቡዳርንካ አትርን፣ ዳንዳእንም ቆበርከቲ።

13 ክክ ክክ ዳንዳእከቲ፥ የንታ ዋርንካ ዋልቀና ኣብንዘን ይምኤርሳን ሪ ደቅሴ ነጋ ክክ ጋይከቲ፥ ክርሰቶስ ነጋ የም ጋይሳንግንዳ የተረ ክክ ክክ ነጋ ጋይከቲ።

14 ከትኬ ሙደንታ ዘርመካ ማቻን ቦድማ ዋልቃትቼካ ዘክምካንታ ሶልመንም ቆበርከቲ።

15 ዋልቃ ዘነታ ሱከንከሰ ማትሰቶ ገታ ኤልምሰባብከሰ ኮ ሳራትቼንካ ማቻንኦል ክርሰቶስታ ሳራትቶና የንታ ቡዳሪ ባንቶማ፥ ጋለድባብ ማትከቲ።

16 ክርሰቶስታ ቃለና ጮጮ የንታ ቡዳር ደቃ፥ ኤጫ ሙደንካ ክክ ክክ ኤሰስከቲ፥ ዘርምከቲ፥ የቺከኬ ዴእሰካ፥ ኣያናር የቺንም የቺሮ ሳብም ቡዳርንካ ጋለተረቶ የቺከቲ።

17 የሱሰንካ ሳብ ባቤንም ጋለተረቶ ኬዘከረ ማታ ፍክሰካ የ ይድንደትም ሙዳ ጮይሰ የሱሰ ክርሰቶስታ ላምንካ ይከቲ፥ ክትከረ ሳብ ባቤንም ጋለትከቲ።

አሜንድን ኤሀ ኤታ ገችንተታ ዋጋ

18 የታ ኬነንከሶ! ጮይሰታ እሪ ዝግዝድንዳ ማቻንኦል የንታ ክእሰንከሰካንታ ክትምከቲ።

19 የታ ክእሰንከሶ! የንታ ኬነንከሰም ሶልምከቲ፥ ከታዘን ጋርዝድባብ ዐይማተቲ።

20 የታ ይንችንከሶ! ኮና ጮይሰም ጉርምዝድንዳ ማቻንካንታ ሙዳ ሪካ የም ኣጭባብከሰካንታ ክትምከቲ።

21 የታ ኣጭባብከሶ! ጉርምካይሳ ከት ማዳክንግንዳ የንታ ይንችንም ዋጭካ ዐይሰነርሰቲ።

22 ኣይላትቶ ዋገናር ደቅድባብ! ፍጨዘን የንታ ማታቆልሰባብከሰካንታ ሙዳ ሪካ ክትምከቲ፥ የክትምድንደረ ከታ የም ሰድንኦላርኬ ኤድም የ ጉርምዝድንኦል ሰድምካንታ ማታክደቆ ጮይሰም ጳሰኬ ላቅም ቡዳርንካ ማታ።

23 የ ይድንደትም ሙዳ ኤድካንታ ማታክናና ጮይሰ የሱሰካንታ የ ይድንግንዳ ቦድማ ቡዳርንካ ይከቲ።

24 ኮካንተረ ጮይሰና ጭላር ባእንም ናክ ማሰሶ የም እምድንደትም የታ ኤዘደቲ፥ የ ፍግዝድንደረ ጮይሰ ክርሰቶስካንቲ፥

3:13 ኤፌ. 4:32። 3:17 ኤፌ. 5:19-20። 3:18 ኤፌ. 5:22፤ 1 ጴጥ. 3:1። 3:19 ኤፌ. 5:25፤ 1 ጴጥ. 3:7። 3:20 ኤፌ. 6:1። 3:21 ኤፌ. 6:4። 3:22 ኤፌ. 6:5-8።

25 ሳብ ዐየንተረ ባላካንታ ኦስናይንኦል ዳቅል ፍግዝድባበረ ይንታ ዳቅል ፍክስንካ ዋጭንም ተይዳ።

4

1 የታ ማተን ቆልሰባብከሶ! የተረ ጭላር የንታ ማታቆልሰባብ ደቅድንደትም ኤስሰቶ የንታ ፍክስንባብከሰም ሉለከኬ ሙደን የካ ሰድሶ ገችሰከቴ።

እናካርንካ ዞራ

2 ሳብም ጋለትካ ዛብሰቶ ዛቃክደቆ ምክሰከቴ።

3 ኮትኮከረ ክክን ሳብ ይንታ ቃለንካንታ ፍልታ ዋካንታ ፎቅተርንግንደኬ እታ ክትኅካ ዘከርሰቶ ዐፈርድንደትም ክርሰቶስታ እችምሳንደትም ኤስምሰካንታ እ ማተርንግንደ ዋካንታ ምክሰከቴ።

4 እተረ እም ዝግዝድንግንደ ቃለንም መየካ እ ኬዝድንግንደ እካንተረ ምክሰከቴ።

5 ዐምን ሰጩከረ ማታ የም ኮት መይድንግንደ እሚንደክባብከሰታ ባንግር ኤጫ ማትሶ ደእከቴ።

6 ዋልቃ ዋልቃ ኤድንካንታ ዝግዝድንደትም ማሰንም ማሰካንታ የ ኤስተርንግንደ ሙደዐይካ የንታ ኬዘና ኤድካንታ ሎቅድን ሶቅግንደኬ ሳብታ ዉች እምንተንካ ማታ።

ጳውሎስታ በእንታ ሳራትች

7 ቲኪቆስ እኅካ ሙደ ሪም የካንታ ኬዘተሬ፥ ኖ ሶልምምሰባብ እሰመና፥ እሚንምሰባብ ፍክስንባብከ ጮይሰታ ፍክሰንም እ ፍግዝድንካ ኖ እሰታ ላኮይት ዐቁ።

8 ክትም የንደር እ ኦይቻንደና ዋኅካ የም ኬዝድንግንደኬ የንታ ቡደንመረ ዳቅዝድንግንደ።

9 ክትከረ ክክን የንታ ኮች ማችባብ እሚንምሰባብኬ ሶልምምሰባብ እሰመን ኦነሰሞሰ የንደር ዐይ፥ ከታ ኮካርንዘን ደቅድን ሪን ሙደንካንታ የካንታ ኤስምሰተሬ።

10 እንካ ክክን ዘከርሰባብ እርሰጥሮኮሰረ አቦ የም ጋይዳ፥ ዋልቃዱት፥ “የንደር እ ዐድንደትዐይካ ክትም የ

3:25 ካራ. 10:17፤ ኤፈ. 6:9። 4:1 ኤፈ. 6:9። 4:5 ኤፈ. 5:16።

4:7 ኦይት. ፍ. 20:4፤ 2 ጢግ. 4:12። 4:8 ኤፈ. 6:21-22። 4:9

ፍልሞ. 10-12።

ሞክተርንግንዳ” ጋይሰቶ የም እ ገቀርሰሳንዳ ባርናባሰታ እርክሰታ ይንች ማርቆስረ አቦ የም ጋይዴ።

¹¹ ኢዮሰጦስ ጋይምሶ ኤልምድባብ ኢያሱ አቦ የም ጋይዴ። ሳብታ ባንችምንሳካ እንካ ክክን የካ ፍግዝድባብከሰታ ዎክያርንካ አይሁድንከሰታ ኮች ማችባብከሰ ከታኬና ዐከኬ፥ እመረ ዳቅሰተኬ።

¹² የንታ ኮች ማችባብ የሱስ ክርሰቶሰታ ፍክሰባብ ኤጳፍረረ አቦ የም ጋይዴ፥ አያናር ደቅንትካ ጋጸረቶ ዳቅሶ የ ዎእተርንግንደኬ ሳብተረ ጋይተን ሙዳ የ ቦተርንግንዳ ኖ የሳካ ሙዳዐይካ ምግዝዴ።

¹³ የሳካ ሎዶቅያ ፍጨናርንኬ ሂራፖሊስ ካተመንከሳር ደቅድባብ ኤድንከሰካንተረ እንድር ክት ጋፋዶቅድንደትም እታ እሰታ ማታርንካ ክትካንታ ማርከርድቴ።

¹⁴ ሶልምምሰባብ አክምና ሉቃሰኬ ደማሰረ አቦ የም ጋይዴ።

¹⁵ ሎዶቅያር ደቅድባብ እሰመንከሰካንታ ንምፋካንተኬ ኮታ ኤሄናር ደቅድን ምክሰ ኤሄንካንታ እሰታ አቦ ጋይንተንም የልሰከቴ። *

¹⁶ ኮትኮም ክቴን የ ናብብዛንደታ ቡር ሎዶቅያ ኤድንከዝደር ደቅድን ምክሰ ኤሄናሪ ናብብምድንግንዳ ይከቴ፥ የተረ ሎዶቅያርንካ የካንታ ኦይትምድንደትም ክቴን ናብብከቴ።

¹⁷ አርክጸሰካንተረ “ጮይሰታ ፍክሰ የሰካንታ እምምሳን ፍክሰንም ካርሰምሶ የሰ ቦተርንግንዳ” ጋይሰቶ ክትም ኬዝከቴ።

¹⁸ ኮ ሳራትቼን እሰታ ገታ እንካ ጸፍሰባብ እታ ጳውሎስቴ፥ እሰታ ዞክርንመረ ገቀርከቴ።

ሳብታ ዉች እምንተና የንካ ክክን ማታ።

4:10 ኦይት. ፍ. 12:12፥25፤ 13:13፤ 15:37-39፤ 19:29፤ 27:2፤ ፍልሞ. 24።

4:12 ቆሊ. 1:7፤ ፍልሞ. 23። 4:14 2 ጢማ. 4:10-11፤ ፍልሞ. 24።

* 4:15 ንሙፋና ካንታ ኮት ይንታ ኤር ደቅድንካ ጋይድንዳ አብ ንከሰ “ንምፋሰ ካንተከ ኮታ ኤረረ ደቅድን” ካንታ ጋይደኬ። 4:17 ፍል. 2።

ክል ጫቃ

Gayil: ክል ጫቃ (New Testament) of Ethiopia

copyright © 2025 The Word for the World International

Language: (Gayil)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

52399b1c-c3b9-53d2-bee1-22d94d5aa3ab